

Бяарн промышленностин төр сессийд хялэгдв

Шидр Каспийск районн советин 4-ч сессий хурагдв. Эн сессий деер «Бяарн промышленносин баядл болн терүт цааранднь өргджүлхин тускар» райисполкомин ахлагин дарук И. И. Петрушкинэ доклад соньгсгдв. Докладин хөөн депутатнр эн төрар ик күүндвр кецхäv. Промкомбинатин директор Курилов, «Туг» артелин ахлагч Дорджиев, района зуран комиссин ахлагч Бурулов, Михайловск сельсоветин ахлагч Басангов, селанэ эдл-ахун инспекцин начальник Никешин, Каспийск поселкин советин ахлагч Откидычев, района рыбкоопин ахлагч Менкеев болн нань чигн үг келцхасн улс бяарн промышленностин дуту-дундсиг темдглад, цааранднь көдлмшинь ясурулхин тускар келцхäv.

Доклад кесн күн болн күүндврт орлцен улс района промкомбинатин болн «Туг» артелин көдлмшт баях кесг дуту-дунд йовдлмудин тускар келцхäv.

Северн, Рыжковск болн Михайловск сельсоветмүдär баясн амтс кувц, гос уйдг болн хатхдг газр уга болад ик түрү үзцхәнэ.

Каспийск тосехин заводин тосхлтин көдлмш ода бийнь муугьар кегджәнэ. Эн тосхлтд гаргьсн мөнхнäs зүт 5 процент олзлгдв.

- Бяарн промышленностин көдлмшиг цааранднь ясурулхин болн олн-амтиг эднэ кесн продукцар саянär теткхин тускар районн советин 4-ч сессий шишлннь шидвр гаргьв.

С. БУЯНОВ.